

uno benurango ! Lou proumié de Mai 1859, Barcilouno, en grand poumpo, a restabli li veritabli Jo Flourau, e despièi, an pèr an, l'estrambord naciounau a fa que crèisse. Mai ce qui a de bèu, es que frairejon emé nautre, e que lou mot Prouvènço es pèr eli l'estello ounte poujo soun veissèu. — « *Cantèu sèns por*, ie disié dins soun descours, en 1860, Don Francisco Permanyer, president dòu counsistori, *cantèu sèns por, trovadors provençals, cantèu en Català, y animèu-vos de l'esperit de nostres pares !* » A la festo d'aquest an, 113 troubadour soun intra dins la lisso. Un di vincèire, Don Terènci Thos, avié pres pèr epi-gràfi :

Bèu Diéu, Diéu ami, sus lis alo

De nosto lengo provençalo,

Fai que posque avera la branco dis aucèu !

E se sabias coume fan bèn li causo ! Lou troubaire qu'outèn lou pres d'ounour, — simplò floureto, uuo flour naturalo, — noumo e chausis la réino de la fèsto. La damo ansin noumado courouno de si man lis àutri troubadour qu'an outengu li joio. Es un felibre Catalan, Don Dàmaso Calvet, counquistaire de l'eiglantino d'or en 1859, que nous countavo aco-d'aquí, aquest estièu, emé l'entousiasme d'un grand cor, emé la vivo fe de la jouvènço.

Bèu provençau ! de-que vou doune de tu la Prouvidènci, que tant te douno soun aflat ? Sariés-ti destina, liame tout alesti, tra-d'unioun naturau, à religa en garbo li tres gràndi manado de la raço latino, Franço, Itàlio, Espagno ? L'aveni parlara. Mai cresès ben eiçò : ren se fai en aquest mounde sènso la permissioun de Diéu.

En atendènt, li Felibre se maridon : Ougèni Garcin vèu d'es-pousa Femio Vauthier, de Paris ; — Teodor Aubanèu, Fino Mazen, de Veisoun ; — e Ansèume Mathiéu, Zia Establet, de Castèu-Nou, Longo-mai, longo-mai d'aquéli bonis obro ! Fado de la Durènço, aprestas lèu de brès ! se preparo uno grelo de Felibrihoun ! »

Nous avons dit que l'ancienne gaieté française s'était réfugiée dans nos provinces du midi et nos citations ne sont pas encore